

Augòngen de vraischòft "Artikl 6"

DE VRAISCHÒFT STITZT DE ZÒMMÒRBET ZBISCHN SPROCHMINDERHAITN

Si è tenuto a Roma, giovedì 12 dicembre, il convegno "L'Italia delle Minoranze linguistiche: idee e strategie per il futuro". L'evento ha visto la partecipazione di vari esponenti delle associazioni impegnate nella valorizzazione delle minoranze linguistiche, oltre che di rappresentanti istituzionali ed esperti che a vario titolo operano per la promozione delle comunità di minoranza in Italia. Il convegno si è tenuto in occasione del venticinquesimo anniversario della legge 482/99, che ha rappresentato un passaggio decisivo per il riconoscimento e la salvaguardia delle minoranze linguistiche storiche del nostro Paese.

Nel corso dell'evento è stata ufficialmente presentata l'associazione "Articolo 6", nata per promuovere iniziative per la valorizzazione di queste comunità. Ispirata all'articolo 6 della Costituzione, che tutela le minoranze linguistiche, l'associazione mira a creare una rete a livello nazionale per favorire la collaborazione tra le varie realtà associative che compongono il mondo delle comunità di minoranza, e per rendere più efficace la presentazione di progetti comuni.

Ka Roma ist kemmen pfaiert der vinfontzboaschte jor van gasetz 482/99,



foto archivio Ufficio stampa PAT

en pfinsta as de 12 van schantònderer, petn convegno "S Balschlònt van sprochminderhaitn: ideen ont projekt ver de zukunft". Der treff ist kemmen stitzt va de senatrice Elena Testor, ont hòt gem

òcht en de noat za giltn de sprochpahalter van Balschlònt. S gasetz 482/99 ist runt bichte vern vernem van sprochen minder kennt. S gasetz hòt derkennt ont stitzt de historischn sprochminderhaitn van

Balschlònt. No en doi gasetz sai' augòngen vil kultural ont auziglprojekt vern vernem van gamoa'schòftn va minderhait. Derbail en treff, ist kemmen aus va vil relatorn de noat za versterchern

de untestitz ver projekt as giltn de sprochen minder kennt. Der regionalasesor Luca Guglielmi hòt kein as de inger region ist an modell vern vernem van sprochminderhaitn; de inger region òrbet nèt lai ver za hòltn lebet de doin gamoa'schòftn, ober ver za versterchern ont giltn sa. De viareren van Kultural Institut Ladin Sabrina Rasom hòt kein as s ist bichte za stitzn naia tecknologisch ont digital strumentn ver za versterchern s envire gea' van gamoa'schòftn va minderhait.

An bichtegen moment va de konferenz ist gaben de vourstell va de vraischòft "Artikl 6", as stitzt zommòrbetn ont projekt ver de sprochen minder kennt. Der nu'm va de vraischòft kimm van seckste artikl va de inger kostituzion, as gillet prope de sprochminderhaitn. De vraischòft hòt der zil za mòchen a stòtnètz ver za stitzn de vil vraischòftn za òrbetn zòmm. De gip de sai' hilf iberhaup en de vraischòftn: de glaimert sa o'na pet de òndera, asou kimm laichter za trong envire projekt vern verpesser van sprochminderhaitn. Pet de òrbet va "Artikl 6", de vraischòftn meing stitzn naiòrbetn zòmm, no a regiar as mòcht a stòtnètz ont pintet zòmm de vil vraischòftn.

Nicola Oberosler

U'tsòk de auskennlait vern augea' van Lear Zentrum as de Autonomi

DER LEAR ZENTRUM BART STITZN S KENN VA DE KULTUR VA DE AUTONOMI

En vrait as de 13 van schantònderer, de provinzaljunta hòt u'tsòk de mittoaln van an komitat as bart paroatn vourtsbinnen vern augea' van Lear Zentrum as de Autonomi. S augea' van doi Zentrum ist kemmen vourtsbunnen derbail en treff ka Borghetto ver de 50 jàder van Zboate Statut va Autonomi. Der Zentrum ist gabellt ver za stitzn learnaiòrbetn as hom za tea' pet de inger autonomi. Der provinzalasesor Simone Marchiori hòt kein as der Lear Zentrum bart sai' bichte ver za tsbinnen bos za tea' ver za giltn de autonomi. De doi naiòrbet ist a schea's baipil ver òndera eirter aa, hòt kein der provinzalasesor. Der Zentrum bart zòmpintn de istituzional

ont akademisch innrichtn as schoa' òrbetn as de autonomi. Der Lear Zentrum hòt de doin ziln: organiziarn seminar, konferenzn, nazional ont internazionalzòmmòrbetn; studiarn bos as tschicht no en de naiòrbetn va de lokal ont internazionalpolitik; lònge kennen de kultur va de autonomi umadum. Sech ber de mittoaln van komitat: ver de provinz, de generalviareren van Dipartiment ver de òllgamoa'innrichtòrbetn, antikoruzion ont turchsichtkait Valeria Placidi; der provinzalasesor Simone Marchiori; der generalviar van Historisch Museum van Trentin Giuseppe Ferrandi; der generalsakretare va de Fondazione Bruno Kessler Andrea Simoni;

de learer va de Universitet va Trea't Luigi Blanco ont Fulvio Cortese; der untersuacher va de Universitet va Milano Stefano Bruno Galli; de leareren va de Universitet va Napoli l'Orientale Floriana Galluccio; de leareren va de Universitet va Innsbruck Esther Happacher; de vourstea'eren van grupp va undersuch van Institut va studi federali comparati va Eurac Research Elisabeth Alber. Òlla de doin mittoaln van komitat òrbetn umansist; de barn krieg lai an zaruckzol ver de kostn derkennt.

Nicola Oberosler



foto archivio Ufficio stampa PAT

Haile Barbara, to va fest ver de vraibillega pompiarn

S HÒT SE GAHÒLTN AA DER PROVINZALZÒMMRIAF VAN VIARER ONT ISPETORN VAN CORPI VAN VRAIBILLEGA POMPIARN



foto archivio Ufficio stampa PAT

I Corpi vigili del fuoco volontari della valle del Fersina hanno organizzato i festeggiamenti per la loro patrona Santa Barbara, con la celebrazione di una messa presso la chiesa di Sant'Orsola. Sono stati poi anche distribuiti, per ogni Corpo, i vari premi per anni di servizio, e si sono tenuti i giuramenti di nuovi pompieri. Giovedì 19 si è svolta, a Cìrè di Pergine presso l'Auditorium Sant'Orsola, l'assemblea provinciale ordinaria dei comandanti e degli ispettori dei corpi e delle unioni distrettuali dei vigili del fuoco volontari del Trentino. L'assemblea ha visto anche la partecipazione del Presidente della Provincia Maurizio Fugatti. Sono stati presentati i progetti per il 2025; sono stati poi approvati la Relazione programmatica 2025 e il Bilancio di previsione 2025-2027.

De viar Corpi van vraibillega pompiarn van tol hom pfaiert zòmm, vour vil lait, de sai'na patrona haile Barbara. Der treff hòt se gahòltn en de kirch va Oachpèrg, bou s ist kemmen kein de haile mess. Dòra, ver an iatn Corpo, sai' kemmen ausgem de prais ver de jàder va dinst; s ist kemmen aa gamòcht der giuramento, va zboa naia pompiarn (o'a'n en Vlarotz ont o'a'n en Palai). Haier, de vraibillega pompiarn van Bersntol hom gamiast òrbetn iberhaup

no en an ettlena la'n bavai s hòt schecket garenkt, en supporto elicottero, za putzn ben. En Vlarotz, de vraibillega pompiarn sai' 28, 5 fuori servizio ont 8 allievi. Iaz hom sa an nain mezzo, gabichen en sunta no mess. De pompiarn va Palai sai' 16, de fuori servizio, an complementare, zboa naia allieve. Haier, de hom kaft an quod, bichte ver za gea' bou as a maschi' mu nèt aribarn. De pompiarn va Garait sai' 18. Zbischn de òndern interventi, haier de vraibillega pompiarn va Garait hom gamiast òrbetn no a por incidenti stradali. En pfinsta as de 19 van schantònderer, kan Auditorium Schandurschl en Cìrè va Persn, hòt se gahòltn der provinzalzòmmriaf van viarere ont ispetorn van Corpi vraibillega pompiarn. En treff hòt toalganommen aa der president va de Autonome Provinz va Trea't Maurizio Fugatti, de vicepirgermoasteren va de gamoa' va Persn Daniela Casagrande, ont der president van Provinzalrot Claudio Soini. Der president Fugatti hòt gadenkt as de provinz hòt u'ganommen 20 milionen va euro vern nai sitz va de Federazione va Ravina. Derzua, hòt er kein aa as de Autonome Provinz ont de Federazione hom gamòcht a groasa òrbet ver za mòchen kemmen laichter ver de viarere van Corpi kaven mittln ont zaig. Dòs derstellt a bichteges vernem ver de

òrbet van viarere. Der president va de Federazione van vraibillega pompiarn va de provinz, Luigi Maturi, hòt vourstellt de projekt vern jor 2025. Er hòt kein as en nai sitz va de Federazione va Ravina, bart kemmen austellt an museum as de gschicht van vraibillega pompiarn. De òrbetn vern nai sitz barn u'heiven schoa' en jor 2025. En jor as kimm, barn kemmen aa vernaert de statutn ont verregln va de Federazione, ont der sai' portal en internet aa. Derzua, bart u'heiven der projekt va obècksl van autoscale distrettuali. Òlbe en jor as kimm, barn kemmen organiziart kursn ver naia istrutorn. De allievi van vraibillega pompiarn sai' gor 1.300: sai' vourtschauk untestitzn, ver za giltn de naiòrbetn as hom za tea' pet sei. Aa de formazion van effettivi bart kemmen stitzt: pet de zòmmòrbet va de Provinzalschual Antincendi, barn kemmen organiziart kursn ver òlla de 5.900 vraibillega pompiarn va de provinz. Zan leistn, sai' kemmen stimmt ont u'ganommen de Relazion 2025 ont der Bilanz va vourschaung 2025-2027, vourstellt van viarere Davide Armani.

Nicola Oberosler